

Swnjcienz Minzcuz Vwnzva Saedyienh Siengjmuengh Cungguek

——Geiq Vujsenh Yen Dungzlingj Cin Bi 2014 Ngoenzlaebdoih Sausenhdai Hozdung

传承民族文化 相约中国梦

——武宣县桐岭镇2014年少先队建队日活动掠影



▲ Gyoengq sausenhdaiyenz moq senhsi haeujdoih.

◀ Laebdoih hozdung hainduj, gwnz ciengz nauhyied dangqmaz.



▲ Dwg bouxcujiz, hix dwg bouxsensouj.



▲ Ciengq go gangj goj gou cungj ak.

Vujsenh Yen Dungzlingj Cin miz 6.6 fanh vunz, Bouxcuengh daih' iek ciemq 95%. Daj Ciuhgeq roengzdaeuj, Dungzlingj Cin Bouxcuengh, Bouxgun gak minzcuz gek ranz caemhyouq, gek mbanj doxhuz, doxgyaez youh doxbang.

Dungzlingj Cin daj bi 2013 hwnj, daengx cin hengzguh Cuengh Gun song vah saw sonhag, cin cunghsinhyau lingjdauj dawz beizyangj vunzcaiz "Cuengh Gun cungj rox" guh muzbyauh, guh ndei hong minzcuz gyauyuz, caenhrengz banh daegsaek hagdangz, cobouh saedyienh minzcuz vwnzva gyauyuz caeuq yendai gyauyuz doengzcaez fazcanj.

Bineix 10 nyied 13 hauh dwg ngoenzciet geiqniemh Cunghgoz Sausenhdai laebdoih, Vujsenh Yen Dungzlingj Cin aeu "swnjcienz minzcuz vwnzva, saedyienh Siengjmuengh Cungguek" guh cujdiz banh aen hozdung. Baez hozdung neix cujyau neiyungz miz: It dwg ciepsouh duiyenz moq, vih sausenhdaiyenz moq gawjhengz aen yizsi haeujdoih. Ngeih dwg vwnzyi byaujyenj. Cezmuz miz yungh Vahgun bujdunghva daeuj yienj, youh miz yungh Vahcuengh daeuj yienj. Sam dwg Vahcuengh caizyi canjyenj doxdax. Mboengqgonq gak aen siujyoz guh le gangj byauhcuinj Vahcuengh doxdax, miz 13 boux sensouj ndaej haeuj baezneix daengx cin doxdax. Baez Vahcuengh caizyi doxdax neix cujyau neiyungz miz doxdax baij yienj buhvaq minzcuz caeuq doxdax ganggoj Vahcuengh.

Cin cunghsinhyau Veiz Gyahmeiz yaucangj doiq guh Cuengh Gun song vah saw gyauyuz gig miz saenqsim, de naeuz: "Cin raeuz hengzguh Cuengh Gun song vah saw sonhag, couhdwg aeu guhbaenz aen gihdi beizyangj vunzcaiz 'Cuengh Gun cungj rox', hawj lwglan Bouxcuengh raeuz hag rox Vahgun, youh mbouj lumz gij vwnzva bonj minzcuz."

(Ganh Sozvwnz Veiz Gyahmeiz Luz Mingdziz Lij Cin/甘说文、韦家梅、陆鸣笛、李振)



▲ Gangj gojgaeq gangj ndaej yienghlili.



▲ Gwnz yienhciengz doxdax.



▲ Gangj gojgaeq, simmaez liux.



▲ Siujbinj Vahcuengh, mizyinx dangqmaz.

◀ Vunz gyaeu buh lengj sing go engq goksak.



▲ Fat ndaej ciengj, sim angqyangz.